

Krai

Isrel naniktä Jerusalemta yänpän butewaki kap tewani

Krai 3:22-33

Yawe täjo iron u ini pärik kubä

22 Yawe täjo orakoraki u tanji pähap, ba butewaki nadän nimik täyak uwä paot-paori nämo.

23 Ironi uwä kome yänjek täyak ude kodakitä kodaki ahänj nimik täyak. Bureni Yawe, nadän nimikinik täk täyan uwä ärowani pähap.

24 Unita bänepnatä node yäyat; Yawe unitägän gäripna däpmänj tärek täyak unita ini tänkentän namikta api itsämäk tänpet.

25 Bureni-inik! Ämawebe Yawe terak yengämä pewäpänj mani kotäk iwatta bänep pek täkanj unita bänep oretoret pewän ahänj yämik täkanj.

26 Unita äma kubätä Yawe täjo yäpätägak epänita kwikinik itsämbayänj täko uwä täga.

27 Ba äma kubätä gubañiniken bäräpi kotawayänj täko, u imaka tägagän.

28 Yawetä bäräpi piri terak peñ imiñirän kehärom tänpänj inigän mankum kwikinik kañ irän.

29 Yawetä käwep api tänkentän namek yänpänj inita nadäwän äpani tänpäpänj injami dapun kädäkut gänañ yäpän äpmonen.

30 Kwikinik itpäñ äma kubätä urayänj täñirän bumumi iniñ kirewän kañ urän. Urirän mäyäk pähap u kañ kotawän.

31 U imata, Ekänitä äma yabä kätäkinik täga nämo tänppek.

32 Nämo, iron käderi ärowani pat imitak unita äma kubäta komi butewaki imiñkañ upänkañ api orañ imek.

33 Tänpäkañ komen ämawebeta komi bäräpi yämikta gäripni nämo nadäk täyak. U jop nadänj komi butewaki nämo yämik täyak.